

Ilanngussaq G

0Ilanngussaq 2, AIS 2023-p pingajussaaneerseqarnissaanut atatillugu oqaasertaliussanut aamma oqaasertaliussanut nassuiaatinut allannguutissatut siunnersuutit.

Naalakkersuisut Siulittaasuat – Suliassaqarfik 10

Nr. 89

Kontomut pingaarnermut, 10.01.06 Nutaaliornermi suliniuteqarnermilu suliassat

Oqaasertaliussat tullinnguuttut siunissamut ungasinnerusumut pilersarusiornermut qulakkeerinnittut kontomut pingaarnermut matumunnga ilanngunniarneqarput;

”Nr. 1.

Naalakkersuisut kontomi pingaarnermi matumani siunertarineqartunut suliassat ilaasut aaqqiiviginissaat pillugit suleqatinik avataaneersunik isumaqatigiissuteqarnissamut piginnaatinneqarput. Isumaqatigiissutaasuni aningaasaliissutaasut tamarmiusut sipporneqassanngillat, ukiullu missingersuusiorfiusut sunnerneqaqqusaanatik.

Nr. 2.

Naalakkersuisut kontomi pingaarnermi matumani atuinerussutinik atuinikinnerussutinilluunniit ukiumut aningaasanut inatsiseqarfiusumut tullermut nuutsisinnaanissaminnut piginnaatinneqarput. Ukiumi aningaasanut inatsiseqarfiusumi pineqartumi aningaasaliissutit annerpaamik 10 %-ii nuunneqarsinnaapput."

Kontomut pingaarnermut, 10.01.06 Nutaaliornermi suliniuteqarnermilu suliassat, nassuiaatit

Kontomut pingaarnermut matumunnga oqaasertaliussanut nassuiaatit tullinnguuttut ilanngunniarneqarput:

”Nr. 1.

Nutaaliornermi suliniuteqarnermilu suliassat pillugit suleqatigisanik avataaneersunik isumaqatigiissuteqarnikkut piffissamut ungasinnerusumut pilersarusiornissaq sipaarniuteqarnissarlu oqaasertaliussatigut periarfissinneqarput.

Oqaasertaliussaq nutaajuvoq.

Nr. 2.

Aningaasaliissutit ajunnginnerusumik atorneqarnissaat qulakkeerniarlugu ukiut aningaasanut inatsiseqarfiusut akornanni aningaasanik nuussinissamut Naalakkersuisut tunngavissaqarnissaat oqaasertaliussatigut qulakkeerneqarpoq.

Oqaasertaliussaq nutaajuvoq.”

Aningaasaqarnermut Naligiissitaanermullu Naalackersuisoq - Suliassaqarfik 20

- 24

Nr. 90

Kotomut pingaarnermut, 20.11.56 Nutarterinerit sunniutaat

Oqaasertaliussat tullinnguuttut pisortat inissiaataannik attartortittakkanik iluarsaassisinnaanissamut qulakkeerinnipput. Tassunga atatillugu aningaasaqarnermut pilersaaruteqarpat aamma inissiat iluarsinissaannut pilersaaruteqarpat taarsigassarsinnaanissaq qulakkeerneqarpoq. Aningaasanut inatsit pillugu isumaqatigiissummut ilaavoq:

”Nr. 1.

Naalackersuisut Inatsisartut Aningaasaqarnermut akileraartarnermullu Ataatsimiititaliaata akuersissuteqareerneratigut Namminersorlutik Oqartussat imaluunniit pisortat ataatsimoorussamik aktiaateqarluni ingerlatseqatigiiffiutaannut, suliniutit aalajangersimasut aningaasalersornissaannut katillugit 1,5 mia. kr.-t tungaannut taarsigassiinissamut arlalinnilluunniit taarsigassiinissamut imaluunniit taarsigassarsianut qularnaveeqqusiinissamut piginnaatinneqarput. Namminersorlutik Oqartussat inissiaataanni attartortittakkani (ilaqutariinnut arlalinnut illuni) iluarsaassinissamut pisariaqartitsinerit annertusiartuinnartut apparsariartuaarneqarnissaat taamaalillunilu Pilersaarutaasumik, Piffissakkaartumik Aserfallatsaaliinermut (PPV) aningaasanik naammattunik immikkoortitsinissamut tapiissuteqarnissap aamma qulakkeerneqarnissaa aningaasalersuinerimi siunertaapput. Taarsigassiinissanut qularnaveeqqusiinernullu taama ittunut aningaasaliissutinik atuineranut minnerpaamik uku piumasagaataapput:

- iluarsaassinissamut suliniutinut aningaasalersuinissamut piviusungortitsinissamullu pilersaarut, taarsigassarsinikkut suliniutitigullu inissianik attartortittakkanik aserfallatsaaliuineranut ajornartorsiutit aaqiivigineqarsinnaanissaannik, tassunga ilanngullugu Naalackersuisut matumunnga aningaasanik atuinerannik immikkoortumi nr. 2-mi aamma nr. 3-mi piumasagaatinik allassimasunik eqquutsitsinermik kiisalu iluarsaassinissamik pisariaqartitsinerup naammassineqarnerani najugaqatigiffinni amigartooruteqarfiussamik missingersuuteqannginnissamik naatsorsuuteqannginnermik takutitsisoq.
- Namminersorlutik Oqartussat inissiaataannut attartortittagaannut aningaasartuutit isertitaallu (cashflow) ukiuni 30-ni sivikinnerusumiluunniit minnerpaamik 0-imukartinneqarnissaannik aningaasalersuineranut pilersaarut. Cashflow tassaavoq taarsigassiinerimi iluanaarutinit isertitat, ineqarnermut akiliutit (aningaasaliissutinit iluanaarutit ilanngullugit) aamma aningaasanut inatsimmit tapiissutit ernianik aningaasartuutit, akilersuutit, inissiat ingerlannerinut, tassunga ilanngullugit aserfallatsaaliuineranut aamma ukiuni arlalinni naammattumik aserfallatsaaliuisoqannginneranit ajornartorsiutinik pilersunik iluarsiiniarnermut aningaasartuutit ilanngaatigereerlugit.
- Namminersorlutik Oqartussat inissiaataannut attartortittagaannut Pilersaarutaasumik, Piffissakkaartumik Aserfallatsaaliinermut (PPV) aningaasanik naammattunik

missingersuusiortoqassasoq, Inissianik attartortitsisarneq pillugu peqqussummi najugaqatigiiffinni oqimaaqatigiittoqarnissaanik aalajangersakkat aamma takukkit.

Nr. 2.

Naalackersuisut Inatsisartut Aningaasaqarnermut akileraartarnermullu Ataatsimiititaliaata akuersissuteqareerneratigut kontomut pingaarnermut matumunnga oqaasertaliussani nr. 1-imi taarsigassanik qularnaveeqqusiinernilluunniit nassuiarneqartunik taarsigassiisunut Namminersorlutik Oqartussat ingerlatseqatigiiffilluunniit ernianut akilersuinernulluunniit aningaasartuutunik akiliinissaannik pisussaaffilimmik neriorsuinissaannut piginnaatinneqarput.

Nr. 3.

Kontomut pingaarnermut matumunnga oqaasertaliussat nr. 1 naapertorlugit taarsigassiinermi qularnaveeqqusiinermiluunniit aningaasalersuinissamut piviusunngortitsinissamullu pilersaarut, iluarsaassinermit aserfallatsaaliuinerimullu aningaasat atorinissaannut piunasaqaatinut tullinnguuttunut tunngaveqassaaq:

1. siunissamut iluarsaassinermit suliniutinut, oqimaaqatigiissumik aningaasaqarnikkut ingerlatsinermit ineqarnermullu akiliuteqartarnermut periutsimik attanneqarsinnaasumik pingaarnersiunissamut tunngavissanik patajaatsunik pilersitsisoqassasoq,
2. ingerlatsinermi aqutsinermilu ineqarnermut suliassaqaarfimmi pingaarnertut tunngaviit naalackersuinikkut aalajangerneqartut taamaalillunilu Naalackersuinikkut suliaqartut toqqaannartumik akuleruttussaataitaannginnerat aallaavigineqassasut,
3. Namminersorlutik Oqartussat inissiaataanni attartortittakkani tamani sanaartukkap immikkuualuttuunik nalinginnaasumik nalunaarsuisoqartassasoq, aamma
4. sanaartukkat immikkuualuttuisa qanoq issusaat aallaavigalugit aserfallatsaaliuinissat pingaarnersiorneqartassasut, aamma
5. aserfallatsaaliuinissamut suliassat ingerlatseqatigiiffimmit immikkulluunniit aqutsisoqaarfimmit aqunneqassasut.

Tassunga atatillugu Inatsisartut Aningaasaqarnermut akileraartarnermullu Ataatsimiititaliaanut ukiumoortumik ilisimatitsissuteqartoqartassaaq, matumani ilaatigut ukiumi arlalinni naammangitsumik aserfallatsaaliuisoqartarnerata kingunerisaanik ajornartorsiutinik annikillisaanissamut naalackersuinikkut suliaqartut toqqaannartumik akuliuffiginngisaannik aningaasat atornerarneri pillugit nalunaarusiortoqartassalluni."

Kontomut pingaarnermut, 20.11.56 Aaqqissuusseqqinnerit sunniutaat, nassuiaatit

Kontomut pingaarnermut matumunnga oqaasertaliussanut nassuiaatit tullinnguuttut ilanngunniarneqarput:

"Nr. 1.

Naalackersuisut allakkiaanni "Inissianik aaqqissuusseqqinnissamut takkuttussamut aallaavissaq" 10. august 2022-meersumi inissianik attartortitsisarnermut suliassaqaarfimmi aaqqissuussumik siviisumillu iliuuseqarnissap pisariaqartinneqarnerujussua, suliarineqannginneratalu ulorianaateqarnera, nassuiarneqarpoq.

Aaqqiisoqassappat suliassa qarfimmu aningaasat suli amerlanerit pisariaqartinneqarput, soorlu inissiat aserfallakkiartortut, taamaasillunilu pigisat ajornerulersut aqutigalugit, ajornartorsiutinngortut amerliartuinnartut piareersimaffiginiarlugit taarsigassarseriaannaaneq (imaluunniit ingerlatseqatigiiffimmu tamakku taarsigassarsiarinissaannu nunatta karsianit sillimmasiineq).

Tamatuma kingunerisaanik siullertut oqaasertaliusseq sularineqarsimavoq, taassumalu Inatsisartut Aningaasaqarnermu Akileraartarnermullu Ataatsimiititaliaanit akuerineqarneratigut piumasaqaatit sukumiinerusut atorlugit taarsigassarsisoqarnissaannu imaluunniit qularnaveeqqusiisoqarnissaannu piginnaatitsissummik tunniussisoqarsinnaassaaq. Tassani anguniagaavoq taarsigassarseeriaannaat isumaqatiginninniarfiginissaannu piareersaanissamut killiussanik peqarnissaaq, tamannalu tatiginartuussaaq suliassa qarfimmilu ajornartorsiutit annertuut qaangerniarnissaannu ukiuni arlalinni iluaqutaasinnaassaaq.

Taamatut taarsigassarsineq imaluunniit qularnaveeqqusiineq tamatumunnga nalinginnaasumik peruserineqartoq imaluunniit tamanna pillugu missingersuusiortarnermu naatsorsuusiortarnermullu inatsimmi maleruagassat pillugit killiliussat aqutigalugit pissarsiarineqassasoq piumasarineqarpoq, inatsimmi § 6 takuuk.

Taamaammatt iluarsaasoqarnissaannu iliuusissamut aningaasalersuisoqarnissaannu pivisunngortitsisoqarnissaanullu pilersaarut attanneqarsinnaasoq pigineqassasoq oqaasertaliussami piumasarineqarpoq. Pilersaarutip ilaatigut ilimanarsisissavaa taarsigassarsinikkut suliniutissallu allat aqutigalugit inissianu attartortittakkanu suliassa qarfiup iluani iluarsaanissannu ajornartorsiutit qaangerniartarnissaat periarfissaassasoq, soorlu oqaasertaliussani immikkoortoq nr. 2-mi aamma nr. 3-mi nassuiarneqartutut piumasaqaatit ilaasut.

Iluarsaassisoqarnissaannu pisariaqartitsineq naammasseriarpatt taarsigassarsinerup iluarsaasoqarnissaannu aserfallatsaaliisoqarnissaanullu suliniutissap periarfissaalernissaa anguniarneqarpoq, tamannalu suliniutit allat peqatigalugit inissiat immikkoortortaanni oqimaaqatigiinnerup anguniarnissaannu iluaqutaasinnaassaaq.

Aningaasaqarnerup qanoq ingerlaarnerata Namminersorlutik Oqartussat inissiaataannu attartortittakkanu ukiuni 30-ni sivisunerusumiluunniit naatsorsuiffiginissaannu aammalu aningaasat ingerlaarnerat piffissap ingerlanerani 0-inngornissaat minnerpaaffiutillugu piumasaqaatigalugu sukumiinerusumik nassuiaasoqarnissaanik oqaasertaliusseq imaqassaaq.

Missingersuusiortarneq naatsorsuusiortarnerlu pillugit inatsimmi § 2-mi taaneqarpoq kommunimi imaluunniit Namminersorlutik Oqartussani missingersuutitigut inissisimaneq tamarmi ukiut 4-t ingerlaneranni oqimaaqatigiissasoq imaluunniit sinneqartoorfiussasoq.

§ 2, imm. 3 malillugu Inatsisartut akuersissuteqareernerisigut naatsorsuinermi missingersuutiniq suliaqarnermi aningaasartuutit isigineqannginnissaat allassimavoq, tamakkulu inissianu, inuussutissarsiutinut attaveqaasersuutinullu suliniutini aningaasaliinernu tunngasinnaapput,

tamakkulu sunniutaasinnaasut nalilersuiffigereernerisigut inuiaqatigiit aningaasaqarnerannut ataatsimut pitsaasumik iluanaarfiusinnaasutut nalilerneqarput. Taarsigassarsinermi imaluunniit qularnaveeqqusiinerni inatsimmi § 2, imm. 3-p qanoq ilineratigut atorneqarsinnaanissaanut maannakkumut naatsorsuisoqarsimanngilaq.

Naalakkersuisut ilimagaat oqaasertaliusseq massakkut pineqartoq taamatut isikkoqarluni ukiuni arlalinni aningaasanut inatsimmut ilaasassanngitsoq, paarlattuanilli inatsisivimmik tamakkiisumik ilaannakuusumilluunniit taarserneqassanersoq, taannami inissianut attartortittakkanut Namminersorlutik Oqartussanit pigineqartunut tunngatillugu immikkut ittumik iluarsaasoqarnissaanut suliniutissamut tunngaviliisussaavoq. Taamaammat inatsit taamaattoq 2023-mut Aningaasanut Inatsisip akuersissutiginerata kingunerisaanik piareersarneqarumaarpoq.

Inatsisunik piareersaaffiusumik sulinissami Namminersorlutik Oqartussat inissiaataasa attartortittakkat kommuninut tunniunnissaasa, tassungalu atatillugu piumasaqaatit ilaasut ilanngullugit, periarfissinnissaata ilanngunnissaa pisariaqalertussaavoq. Taamatuttaaq ilanngutissallugu pingaartuussaaq inatsit pisariaqassappat pisortat ataatsimoorlutik piginnittuulernissaasa pilersinnissaanut imaluunniit pisortat inissiaataasa attartortittakkat aqunnissaannut, periarfissaqarpallu attartortunut iluaqutaasumik suliaasaqarfimmut annertuumik ingerlatsinikkut iluaqutissat anguniarnissaannut, periarfissanik ammaasoqarnissaa. Oqaasertaliusseq nutaajuvoq.

Nr. 2.

Oqaasertaliussatigut ernianut tapiisarnissap taarsigassarsianullu akilersuisarnissap periarfissaalernissaa ammaanqarpoq. Taarsigassarsarneq pillugu isumaqatigiissusiat eqqortittarnissaasa qularnaarnissaannut aningaasaliissutinik pisariaqartitsineq kontumi pingaarnermi, 89.72.12 Inissianut pilersaarutit aamma sanaartukkanik taarsiinerit, aningaasanik pingaarnersiuiinissamut aqutsisuupput.

Oqaasertaliusseq nutaajuvoq.

Nr. 3.

Iluarsaanissanut aningaasat tunniunneqartut siunertamut atorneqarnerisut, tamatumalu anguniarnissaanut sunniuteqarluarnerisut anguniarlugu, taarsigassarsinissamut malitseqartitsinissamullu piumasaqaatit ukiumoortumik Inatsisartuni ataatsimiititalianut attuumassutilinnut nalunaarusiortoqartassaaq, taakkunungalu oqaasertaliusseq manna naapertorlugu suliaasanut, qanoq issutsimut atuinissallu tullerriaarnissaannut tunngavissanut killiffik ilaassaaq.

Tullerriaarineq teknikikkut aningaasarsiornerup naliliiffigineranik aammalu illummiittut sillimaniarnikkut peqqissutsikkullu ulorianaataasinnaasut iluarsaannissaannik kiisalu tassangaannartumik ajoqusernerit allat pinngitsoortinnissaannik aallaaveqassapput. Taamaaliortoqassaaq suliaasaqarfimmut aningaasat pitsaanerpaamik atorluarneqarnissaat qulakkeerniarlugu.

Tulleriarinernut tamakkununga tunngavissaqarnissami tunngavissaq assigiissoq nutartigarlu atorqassaaq, taannalu ingerlaavartumik nutarterneqartassaaq (massakkorpiaq IPV-mik taaneqartoq aqqutigalugu suliaavoq, aamma Naalackersuisut allakkianni "Inissianut aqqissuusseqqinnissamut aallaaviussaaq"-p 10. august 2022-meersup nassuiarneqarnera takuuk.

Tassanilu aamma naatsorsuutigineqarpoq nutaanik sanaartortitsinerit tamatigut allatut periarfissatut isummersorfigisarnissaat, matumani illuutip iluarsarneranut aningaasartuutissat nutaanik sanaartornikkut pitsaaqutinik qaangiisutut nalilerneqarsimappata. Tamatuma nalilersuiffiginerani tamakkiisumik aningaasaqarneq sanaartukkallu qanoq siviisutigisumik atorqarsinnaanerit kiisalu innuttaasut ineriartorfiunerat, tassungalu illoqarfimmi pineqartumi naatsorsuutigisat nutaanik sanaartortitsinerit iluarsaanerillu akornanni assersuussilluernerit ilaanissaat ilaatillugit, immikkut aallaaviussapput.

Iluarsaanissat suliarinissaannut aqutsineq ingerlatseqatigiiffimmiissaaq imaluunniit immikkut aqutsisuniissaaq, matumanilu sulinerup suliassat aallartinnissaannut kinaassusersiornani tunngaviliunneqartut malillugit pisarnissaa qulakkeerniarneqarpoq.

Oqaasertaliussaq nutaajuvoq.”

Nr. 91

Kontomut pingaarnermut, 20.30.05 Aningaasaqarnikkut periusarineqartussanut, pilersaarusiornissanut misissueqqissaarnernillu sulinissaq

Konto pingaarneq manna taaguummigut Aningaasaqarnikkut periusarineqartussanut, pilersaarusiornissamut misissueqqissaarnernilu sulinissaq-mut allanngorpoq. Tamanna pivoq kontomut pingaarnermut siunertarineqartoq pitsaanerumik nassuiaaffigisinnaanarlugu. Kontomut pingaarnermut oqaasertaliussat marluusut taakkuuginnassapput.

Nr. 92

Siunertamut kontomut, 24.10 Toqqaannartumik akileraarutit

Ilaannakuusumik akiliunneqarluni feeriarnerit akileraarusernissaat Inatsisartut UKA2011-mi akuersissutigisaat pillugu aalajangersakkat kinguartitsiffiunissaat siunertarlugu oqaasertaliussat nutaat ilanngunneqarnissaat qinnutigineqarpoq. Europami Naalagaaffiit Suleqatigiiffiat (EU) Naalackersuisunut saaffiginnissuteqarnikuuvoq, Kalaallit Nunaanni allaffimmik pilersitsinissaq siunertarlugu. Kontomut siunertalimmut matumunnga oqaasertaliussat makku ilanngunniarneqarput:

"Nr. 7.

Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi kingusinnerusukkullu Inatsisartut inatsisaatigut nr. 11, 1. december 2021-meersutigut allanngortinneqartumi § 19 b, imm. 3-mi aalajangersakkat atunnginnissaannut Akileraartarnermut Aqutsisoqarfik piginnaatinneqarpoq.

Nr. 8.

EU-p Kalaallit Nunaanni sinniisoqarfimmik pilersitsinissaanut EU Kommissionimik isumaqatigiissuteqarnermut atatillugu Naalakkersuisut piginnaatinneqassapput, akuersissutigalugunassuerutiginiissaanut inuit Kalaallit Nunaanni EU-p allaffeqarfiani suliaartortut, taakkulu ilaqutai, aningaasarsianit akileraarutinik akiliisassanngitsut aningaasarsianit akileraarutit pillugit Inatsisartut inatsisaat naapertorlugu, soorlu inuit aningaasarsianit akileraarutit pillugit Inatsisartut inatsisaanni § 3, imm. 1, nr. 3-mi assigalugit.

Naalakkersuisuttaaq piginnaatinneqassapput, Kalaallit Nunaanni EU-p sinniisoqarfianit akiliutigineqartut isertitat aalajangiiviginissaannut, imaluunniit EU-mit aallartitat, isertitanik -A-nik isertitaqassanngitsut, soorlu naalagaaffiit allat aallartitadiplomatimik sinniisuisaannut atuuttut assigalugit, aningaasarsianit akileraarutit pillugit Inatsisartut inatsisaanni § 75, imm. 3, nr. 2 naapertorlugu.

Naalakkersuisut ilanngullugu piginnaatinneqassapput, Kalaallit Nunaanni EU-p sinniisoqarfianik pilersitsinermut EU Kommissionip isumaqatigiissuteqarfigineranut atatillugu, akuersissutigalugunassuerutiginiissaanut sinniisoqarfimmik, kiisalu EU-mit aallartinneqartut allaffimmi sulisut, nioqqutissanik qamutinillu motoorilinnik, Kalaallit Nunaanni allaffiup atorneranut atatillugu eqqunneqartunut eqqussuinermit akitsuutit pillugit Inatsisartut inatsisaat naapertorlugu nioqqutissanik eqqussuinermit akitsuutinik akiliisassanngitsut, soorlu inatsimmi § 3, imm. 1, nr. 1, litra e aamma nr. 2, litra b naapertorlugit.

Naalakkersuisut ilanngullugu piginnaatinneqassapput, EU Kommissionip Kalaallit Nunaanni sinniisoqarfittut allaffissamik imaluunniit inunnut aallartitanut taakkulu ilaqutaannut atorfirmut atatillugu, inissamik illumik pisinermut atatillugu naqissusiinikkut akitsuummik akiliisassanngitsoq. Naalakkersuisut tassunga ilaliullugumatuma ataani isumaqatigiissummi aalajangersarsinnaavai akileraarutinut akitsuutinullu akiliisussaaajunnaartitsineranut killilersuutit sorliit, EU-p allaffianut atuutissanersut.”

Siunertamut kontomut, 24.10 Toqqaannartumik akileraarutit, nassuiaatit

Siunertamut kontomut matumunnga oqaasertaliussanut nassuiaatit uku ilannguniarneqarput:

"Nr. 7.

Oqaasertaliussaq akiliunneqarluni feeriarnert akileraaruserneqartarnerannut siusinnerusukkut inatsisitigut inissisimanermut uternissamut immi kinguneqassaaq, tamannalu Aningaasarsianit akileraarutit pillugit inatsisartut inatsisaata allannagortinnera pillugu Inatsisartut inatsisaata nr. 11, 1. december 2021-meersup akuersissutiginera tikillugu atuussimavoq. Allanguineq ilaatigut angalanerit nalingisa akileraarusersortarnerannik kinguneqarpoq, tassani ullut ilaat inuussutissarsiummi siunertanut atorneqarlutik ullullu ilaat namminerisamik siunertanut atorneqarlutik.

Oqaasertaliusseq ilaannakuusumik akiliunneqarluni feeriarnertit ilaat nammineq ingerlanneqartut aammalu nammineerluni inuussutissarsiutitigullu soqutigisanut ilaasut akileraarusorneqarnerat pillugu aalajangersakkat taaneqartut immikkut atorunnaarnerannik kinguneqarpoq. Pissutsip nutaamik naalakkersuinikkut nalilersuiffiginerani paasisassaq tassaavoq malittarisassap nutaap iluanaarutissanut anguneqartunut tunngatillugu sulinermi aqukkuminaannissaa. § 19 b, imm. 3-mi aalajangersagaq aningaasarsianut akileraarutit pillugit inatsisip kukkunerisornissaani takkuttussami atorunnaartussatut naatsorsuutigineqarpoq, taamaammallu oqaasertaliusseq manna ukiumut aningaasarsiorfiusumut 2023-mut taamaallaat atuuttussaassalluni.

Oqaasertaliusseq malillugu ukiup aningaasarsiorfiusup 2022-p akileraarusiiffiginerani 2023-mi ingerlanneqartussami § 19 b, imm. 3-mi imaritinneqartut isiginnginnissaannut Akileraartarnermut Aqutsisoqarfik piginnaatinneqarpoq. Akileraartussaataasunut sulisitsisunullu aamma allanut tunngatillugu oqaasertaliussat kingunerissavaat tamakku § 19 b, imm. 3-mi malittarisassanik atuuttunik atuisinnaanissaat imaluunniit inatsisitigut inissisimanermik 1. januar 2022 sioqqullugu atuuttumik atuisinnaanissaat periarfissaassasoq.

Matumani aningaasarsianit akileraarutit pillugit inatsisartut inatsisaanni maleruagassanit atuuttunit saneqqutsisinnaaneq pineqarpoq, tamatumalu atortuulersinniarnertit Akileraartarnermut Aqutsisoqarfimmut, akileraartartunut sulisitsisunullu il.il. unaminartoqarsinnaassaaq.

Oqaasertaliusseq nutaajuvoq.

Nr. 8

Europami Naalagaaffiit Suleqatigiiffiat (EU) Naalakkersuisunut saaffiginnissuteqarnikuvoq, Kalaallit Nunaanni allaffimmik pilersitsinissaq siunertaralugu.

Naalakkersuisut oqaasertaliussamik piginnaatinneqarput inuit, allaffimmi sulisussatut EU-mit aallartinneqartut, aningaasarsianit akileraarutit pillugit Inatsisartut inatsisaat naapertorlugu akileraarutitik akiliisussaajunnaartinnissaannut. Akiliisussaajunnaartitsinermit ilanngullugu aallartitap ilaqtai ilaatinneqarsinnaapput. Ilaquttatut paasineqassapput aapparisaq imaluunniit inooqatigisaaq kiisalu meeqqat 18-it inorlugit ukiullit angerlarsimaffimmi najugaqartut angalaqataasut.

Ilanngullugu Naalakkersuisut piginnaatinneqarput, EU-p allaffianit imaluunniit aallartitanit aningaasarsiat akilerneqartut, isertitatut -A-tut isigineqanngitsut aalajangersarnissaannut. Piginnaatitsissut atorneqarpat nassatarissavaa, akileraarutit -A-t imarissagaat imaluunniit akilerneqassasut pisussaaffiussanngitsoq kiisalu EU-p allaffia kiisalu aallaertitat suliffeqarfeqarfimmi akitsuummik akiliinissamut pisussaaffilerneqassanngitsut.

Oqaasertaliussattaq Naalakkersuisut piginnaatippai Kalaallit Nunaanni EU-p allaffeqarfia nioqqutissanik eqqussuinermit akitsuutit pillugit Inatsisartut inatsisaanni eqqussuinermit akitsuutitik akiliisussaajunnaartissinnaagaa. Piginnaatitsissutittaag imaraa EU-mit aallartitat eqqussuinermit akitsuutitik akiliissanngitsut.

Naggataagut Naalackersuisunut piginnaatitsissutigineqarpoq, Kalaallit Nunaanni allaffissamik pisinermut kiisalu aallartitat atorfirmut atatillugu inissaannik pisinermut atatillugu naqissusiinikkut akitsuut akilertussaajunnaartissinnaagaat.

Aningaasarsianit akileraarutit pillugit Inatsisartut inatsisaat aamma nioqqutissanik eqqusuinermi akitsuutit pillugit Inatsisartut inatsisaat naapertorlugit, naalagaaffiit takornartat aallartitaqarnermidiplomatiskimik sinniisaat aallartitat il.il. aningaasarsianit akileraaruteqartussaananatillu eqqusuinermi akitsuummik akiliisussaannngillat. EU aalajangersakkanut taakkunannga ilaannngilaq, EU naalagaaffiunngimmat takornartaq, kisiannili naalagaaffiit qulaanni suleqatigiiffiulluni. Kisiannili aallartitaqarnermidiplomatiskimik sinniisoqarfinnillu aallartitanik pisussaajunnaartitsinerup tunuani eqqarsaatigisassat isiginnittaatsillu, aamma Kalaallit Nunaanni EU-p allaffimmik pilersitsineranut atuupput.

Taamaattumik oqaasertaliussamik siunertaavoq Naalackersuisut piginnaatissallugit, EU-p allaffia akileraarutinut akitsuutinullu akiliisussaannngitsoq nassuerutigissallugu, taakku ataatsimut isigalugu pisussaajunnaarsitsinerut, naalagaaffiit takornartat Kalaallit Nunaanni aallartitaqarnermidiplomatiskimik sinniisoqarfiinut allanullu atuuttussaasut assigai. Oqaasertaliussamik atugassarititaasut ilisaritinneqarput, inunnut EU-mi Kalaallit Nunaata Sinniisoqarfiani sulisunut atuuttut assingi.

Oqaasertaliussaq naapertorlugu, pisussaajunnaartitsinerit nassuerutigineqartut, aningaasarsianit akileraarutit pillugit Inatsisartut inatsisaanni aamma eqqusuinermi akitsuutit pillugit Inatsisartut inatsisaanni oqaasertaliussami aalajangersakkani taaneqartuni aallartitaqarnermidiplomatiskimik sinniisunut aallartitanut nassuerutigineqarsinnaasut sinnerneqarsinnaanngimmata. Tamatuma saniatigut oqaasertaliussami erseqqissarneqarpoq, Naalackersuisut piginnaatinneqartut, qulaani inatsisini aalajangersakkani taaneqartunit oqaasertaliussami pisussaajunnaartitsinerit ikinnerusut nassuerutigisinnaagaat.

Allaffimmik pilersitsinissaq pillugu EU Kommissiوني oqaloqatigineqarpoq, soqutigineqarporlu 2023-p ingerlanerani allaffik pilersinneqarsinnaasoq. Taamaattumik inatsimmik suliaqarneq piffissaq eqqorlugu piareersinnaassanngilaq. Sulissutigineqassaaq, 2023-p ingerlanerani tamanna pillugu inatsisissatut siunnersuummik saqqummiussisoqarnissaa.

Oqaasertaliussaq nutaajuvoq.”

Nr. 93

Kontomut pingaarnermut, 24.11.10 Nioqqutissanik eqqusuinermi akitsuutit

Qamutinuut motoorilinnut innaallagissamik ingerlatilinnut aammalu plug-in-hybridbiilinuut akitsuuteqartitsinnginneq ukiumik ataatsimik sivitsorneqarpoq taamaattumillu oqaasertaliussaq nutaaq una ilanngunneqarluni:

"Nioqqtissanik eqqussuineri akitsuutit pillugit Inatsisartut inatsisaanni § 1, imm. 1, nr. 21 naapertorlugu akiliisussaataanerit qamutitut motorilinnut taamaallaat innaallagissamik brintimilluunniit ingerlatilinnut, kiisalu plug-in-hybridbiilinnut, batteriinnik innaallagissamik immaqarqarsinnaasunik ingerlatilinnut 1. januar 2024 tikillugu atuutsinneqassanngillat."

Kontomut pingaarnermut, 24.11.10 Nioqqtissanik eqqussuineri akitsuutit, nassuiaatit

Kontomut pingaarnermut matumunnga oqaasertaliussanut oqaasertaliussat imattut ilanngunniarneqarput:

"Qamutit motorillit taamaallaat innaallagissamik brintimillu ingerlatillit eqqunneqarneranni nioqqtissanik eqqussuineri akitsuutimik aamma qamutit motorillit akileraarutaannik akiliinngikkallarnissaq pillugu Inatsisartut inatsisaat nr. 8, 29. november 2013-imeersoq naapertorlugu akitsuutitut akiliinngikkallarnissaq ukiumik ataatsimik oqaasertaliussatigut sivitsorneqarpoq, kontomullu pingaarnermut matumunnga oqaasertaliussatigut kingullermik 31. december 2022 tikillugu sivitsorneqarluni.

Oqaasertaliussat AI2022-mit ingerlateqqitaapput."

Nr. 94

Kontu pingaarnermut 24.11.10 Nioqqtissanik eqqussuineri akileraarutit

Aningaasanut inatsimmik isumaqatigiissuteqarnerup malitsigisaatut oqaasertaliussat tulliuuttut ivertinniarneqarput:

"Nr. 2-mut.

Ulloq 1. januar 2024-mut tungaanut nioqqtissanik eqqussuineri akitsuutit pillugit Inatsisartut inatsisaanni nr. 19, § 1, imm. 1, nr. 14-imut (nersussuup neqaa) 15, (puulukip neqaa aamma 17, litra b-e-mut (nersussuup neqaanit puulukillu neqaanit nioqqtissiat piariikkat kiisalu pølsit suulluunniit kiisalu tingunnit nioqqtissiat).

Naalakkersuisut aamma KNI A/S niuertarfiutillillu allat attuumassuteqartut, sikusartuni nioqqtissianik pineqartunik pisisartunut tuniniaaqinnissaq siunertaralugu eqqussinikunut, ulloq 1. januar 2023 kingorna pilersuinerimik qularnaariniarluni akitsuutitut akiliutaannik utertitsinissamut piginnaatinneqarput.

Aalborgimi Grønlandshavnikkut nioqqtissat eqqunneqartut minillugit, Danmarkip umiarsualiviatigut nioqqtissat eqqunneqartut umiarsuarmut Kalaallit Nunaannukartussanut ikineqarsimasut akitsuuteqarfimmut eqqunneqartutut isigineqarput."

Kontu pingaarnermut 24.11.10 Nioqqtissanik eqqussuineri akitsuutit nassuiaatit

Nassuiaatit tulliuuttut kontu pingaarnermut ivertinniarneqarput:

"Nr. 2-mut

Oqaasertaliussat ukiumi ataatsimi akitsuusiinnginnerupput. Oqaasertaliussat 2023-mut aningaasanut inatsimmut isumaqatigiissut tunuliaqutaraat, partiillu isumaqatigiissuteqartut innuttaasut inuuniarnermikkut atugaannik pitsanngorsaannissamik kissaateqarlutik.

Akitsuutinik appaaneq aamma ullup 1. januar 2023-p kingorna sikusartuni sunniuteqarnissaa qulakkeerniarlugu, KNI A/S-mik niuertarfiunilinnillu allanik attuumassuteqartunik ulloq 1. januar 2023 kingorna taakkunanga pisisartunut tuniniaaqqinnissaq siunertarlugu eqqussisunik akitsuutinut akiliutaannik utertisinissamik oqaloqatiginninnerit aallartinneqassapput. Nunarput tamakkerlugu innuttaasut naligiimmik atugassaqartinneqassammata.

Nioqqutissanik eqqussuinnermi akitsuutit pillugit inatsisisartut inatsisaannik allannguutissatut siunnersuummik 2023-mi Inatsisartunut saqqummiussisoqarnissaa naatsorsuutigineqarpoq.

Inatsisissap akuerineqarnissaata tungaanut puulukit neqaannik, nersussuit neqaannik neqinillu nioqqutissianik allanik piariikkanik aqerlortikkanilluunniit akitsuusiinngikkallarnerup inatsisitigut tunngavissarqartinniarlugu manna oqaasertaliussat AIS2023-mut ivertinneqarput.

Taamattaq oqaasertaliussat qaqugu nioqqutissat akitsuuteqarfimmut eqqunneqartutut isigineqarnerat erseqqissaaffigaat. Akitsuutit piffissami akitsuut atuuttoq malillugu naatsorsorneqartarput.

Oqaasertaliussaq nutaajuvoq.”

Meeqqanut, Inuusuttunut Ilaqutariinnullu Naalackersuisoq – Suliassaqarfik 30 Nr. 95

Kotomut pingaarnermut, 30.13.07 Kalaallit Nunaanni inissiisarnernut aningaasat immikkoortitat

Kotop pingaarnarup uuma aqqa allanngortinneqarpoq Kalaallit Nunaanni inissiisarnarit kisimik pineqarmata Danmarkimi inissiisarnarit pineqaratik. Oqaasertaliussat nr. 1 aamma 2 allanngortinneqanngillat taamaattorli oqaasertaliussani nr. 2-mi oqaaseqaatit peerneqarput. Oqaasertaliussat nr. 3 oqaasertai ilanngullugit peerniarneqarput imaattunillu taarserniarneqarlutik:

” Nr. 3.

Naalackersuisut kommunit isumasioqatigalugit aamma pisariaqartitsineq naapertorlugu kotomit pingaarnermut, 30.13.07 Danmarkimi Kalaallit Nunaannilu inissiisarnernut qitiusumik immikkoortitat, kotomut pingaarnermut, 30.10.37 Nuna tamakkerlugu meeqqanut inuusuttunullu ulloq unnuarlu paaqqinnittarfiit, aamma 30.13.41-mit, Innarluutilinnut angerlarsimaffiit, aningaasanik nuussinissaminut piginnaatinneqarput.”

Kotomut pingaarnermut, 30.13.07 Kalaallit Nunaanni inissiisarnernut aningaasat immikkoortitat, nassuiaatit

Kontomut pingaarnermut matumunnga oqaasertaliussanut nassuiaatit nr. 2 aamma 3 imaattut ilanngunniarneqarput:

” Nr. 2.

Immikkoortitat ulloq unnuarlu angerlarsimaffinni tamani immikkut suliniutinut taamatullu inuit tapersersortit nalunaaquttap akunnermusiaannut tapiissutigineqartarsinnaapput. Ulloq unnuarlu paaqqinnittarfiit nukittorsarneqarnissaannut aamma Nunatsinni paaqqinnittarfinnut inissinernut aningaasanik atugassangortitsisoqarsinnaavoq. Ataatsimoortumik aningaasanik immikkoortitanit aningaasaliissutit kommuninit aningaasalersorneqarput Namminersorlutillu Oqartussanit allaffissornikkut aqunneqarlutik.

Aningaasanit immikkoortitanit taakkunanga tapiissutinut malittarisassat kommunit ataatsimoorlutik aalajangersartarpaat.

Oqaasertaliussat AI 2022-mit iluarsineqarlutik ingerlateqqitaapput.

Nr. 3-mut.

Taamatut nuussisinaanikkut siunertaavoq, immikkut ittumik paaqqinnittarfiit piffissami aalajangersimasumi inissisimasoqarpallaannginnerminni sulisooreersunik piginniinnarnissaasa qulakkeerneqarnissaat.

Tassani piumasaqaataavoq aningaasat nuunneqarsinnaasut, Naalakkersuisut aamma kommunit akornanni isumaqatigiittoqarpat.

Oqaasertaliussat AI 2022-mit iluarsineqarlutik ingerlateqqitaapput.”

Ilinniartitaanermut, Kultureqarnermut, Timersornermut Ilageeqarnermullu Naalakkersuisoq – Suliassaqarfik 40

Nr. 96

Kontomut pingaarnermut, 40.91.31 Suliniutit aallaavigalugit tapiissutit

Ilinniartissat pingasut pilersinniarnearput. Tamatuma kingunerisaanik Niuernermik Ilinniartarfik, Nuuk ataanni oqaasertat imaattut oqaasertaliussanut ilanngunniarneqarput:

"AU Pisortat allaffissornerat	38.568 kr.
AU Human Ressource	38.568 kr.
AU IT-paasissutissiisarnermut teknologi (allanngorartoq)	38.568 kr.”

Nr. 97

Siunertamut kontomut, 40.95 Eqqumiitsuliorneq

Aningaasanut inatsisissap naalakkersuinikkut isumaqatigiissutigineqarnerata kingunerisaanik oqaasertaliussat uku nutaat 2023-mut aningaasanut inatsisissatut siunnersuummut ilanngunniarneqarput:

”Nr. 2.

Aningaasaateqarfimmut "Kalaallit Nunaanni Eqqumiitsulianut Toqqorsivik"-imut 50 mio. kr.-nik aningaasaliinissaminnut pisussaaffilimmik neriorsuuteqarnissaanut Naalakkersuisut piginnaatinneqarput. Tapiissutit suliniutip naammassineqarnissaanut sanaartornermut akip tamarmiusup pissarsiarinissaanut tapiissutaassapput. Tapiissutit aatsaat tunniunneqarsinnaassapput aningaasaateqarfiup siulersuisuisa suliniummut aningaasat pisariaqartinneqartut sinneruttut pissarsiarinissaannut aningaasalersuinissamut pisariaqartitat tamarmiusut pissarsiarineqarsimaneri uppersarsareerpassuk imaluunniit pisussaaffilimmik neriorsorneqarsimanertik uppersarsarsinnaappassuk."

Siunertamut kontomut, 40.95 Eqqumiitsuliorneq, nassuiaatit

Kantomut pingaarnermut matumunnga oqaasertaliussanut nassuiaatit imaattut ilanngunniarneqarput:

”Nr. 2.

Oqaasertaliussat siunertaraat "Kalaallit Nunaanni Eqqumiitsulianut Toqqorsivik"-iup piviusunngortinnissaata siuarsarnissaa. Suliniummut aningaasaliisussarsiorniarneq ajornakusoorsimaqaaq aningaasaliisinnaasulli il.il. arlallit oqaatigisimavaat suliniummut aningaasaliisinnaanissartik soqutigisinnaallugu Namminersorlutik Oqartussat sanaartornissavimmut aningaasaleeqataanissartik neriorsuutigisinnaappassuk.

Suliniummut atatillugu C-missingiut nutaaq TNT Tegnestuemit maj 2022-mi suliarineqarsimavoq. Suliniutip naammassinissaanut aningaasartuutissat 260 mio. kr. missaaniittussaasut missingiussatigit takuneqarsinnaavoq. Aningaasalersuinissamut aningaasartuutissaajunnartut missingiussani sillimaffigineqarsimanngillat.

Tamatuma malitsigisaanik Nuummi Eqqumiitsulianut Toqqorsivimmik pilersitsinissamut Namminersorlutik Oqartussat 50 mio. kr.-nik aningaasaateqarfimmut aningaasaliisuteqarsinnaalersillugit oqaasertaliinissaq Naalakkersuisunit kissaatigineqarpoq. Neriorsuutigineqartut aatsaat atorneqarsinnaalissapput aningaasaateqarfiup siulersuisuisa aningaasaliisussallu allat aningaasaliisutissatik qulakkeereerpatigit aningaasaliisinnaanissartilluunniit pillugu pituttorsimasumik neriorsuuteqarsinnaappata, taamaasiornikkut Namminersorlutik Oqartussat tapiissuteqarnermikkut suliniummut aningaasaliisutissat tamarmiusut pissarsiarineqarsimalissammata.

Neriorsuut taamaattoq pisussaaffiussaaq kultureqarnermut naalaakkersuisumit aningaasaqarnermullu naalakkersuisumit atsiorneqarsimassalluni.

Neriorsuutigineqartut atorneqartussanngorpata Inatsisartut ukiuni aningaasanut inatsiseqarfiusumi ataatsimi arlalinniluunniit aningaasat amerlaqataannik pingaarnersiullutik nassaarniartariaqassapput sanaartornerup sukkassusaa aallaavigalugu annertussusilerneqartussanik.

Neriorsuut 1. januar 2023-miit aallartittumik ukiut pingasut angullugit tunniunneqarsinnaavoq."

Oqaasertaliussat nutaajupput."

Nunanut Allanut, Inuussutissarsiornermut Niuernermullu Naalakkersuisoq - Suliassaqarfik 66-67

Nr. 98.

64.10.32 Takornariartitsinermik ineriartortitsineq aamma inuussutissarsiutinik siuarsaaneq

Kontop pingaarnerp taaguutaa iluarsineqarpoq, taamaalilluni taaguut aningaasaliissutigineqartunut takussutissiaq; ilanngussaq 1-mi allanneqartumut naapertuuttunngortillugu. Kontomi pingaarnermi oqaasertaliussatut ilanngunneqartut marluit imarisaat allanngussanngillat. Allannguutissatut siunnersuut una Aningaasaqarnermut Ataatsimiititaliap apeqquaanut malitseqartitsinertut saqqummiunneqarpoq.

Ineqarnermut Attaveqaasersuutinullu Naalakkersuisoq - Suliassaqarfik 70 - 72

Nr. 99

Kontumut pingaarnermut, 70.01.07 Sanaartornermi Oqartussat

72.02.03 Inissialiortiternernut allaffissornernut pilersaarusiornermullu aningaasartuutit, oqaasertaliussat kontumut pingaarnermut uunga nuunneqarput. Oqaasertaliussat tulliuuttut kontumut pingaarnermut uunga nuunneqarnissaat qinnutigineqarpoq:

“Nr. 1-imit.

Naalakkersuisut kommuninit, kommunini inissiaatileqatigiiffinit, kommunini aqutsisooqatigiiffinit, Illuut A/S-imit aamma INI A/S-imit paasissutissanik attuumassutilinnik pissarsiniarnissamut, aammalu taakku ilusissaannut piumasqaateqarnissamut piginnaatinneqarput. Taakku paasissutissaasivimmik, pisortat inissiaataasa attartortittakkat qanoq issusiinut ataatsimoortumik ingerlaavartumillu nutarterneqartartumik nassuiaasiornissamut iluaqutaasussanik web-portalitalimmik aammalu nalunaarsuivitalimmik pilersitsinissamut ingerlatsinissamullu atorreqassapput.

Nr. 2-mut.

Naalakkersuisut paasissutissaasivimmik pilersitsinissamut ingerlatsinissamullu, kiisalu tamatumunnga atatillugu misissueqqissaarnissamut suliaqarnissamullu avataaniit suleqataasinnaasunut ukiuni arlalinni atuuttussanik isumaqatigiissusiornissamut piginnaatinneqarput, tak. oqaasertaliussaq nr. 1. Isumaqatigiissutini aningaasaliissutit tamarmiusut qaangerneqassanngillat aammalu ukiunut missingersuusiorfiusunut eqquissanngillat.

Nr. 3-mut.

Naalakkersuisut kontumi pingaarnermi matumani aningaasartuuteqarnerussutitut imaluunniit aningaasartuutikinnerussutitut nuussinissamut piginnaatinneqarput. Ukiumut aningaasanut inatsiseqarfiusumut tullermut aningaasaliissutit annerpaamik 25 %-iinik nuussisoqarsinnaavoq.

Nr. 4-mut

Kommunit inissiaataanut attartortikkanut tunngatillugu paasissutissat oqaasertaliussani nr. 1 naapertorlugu paasissutissanut toqqorsivimmumt ingerlaavartumik ilanngunneqartarnissaasa qulakkeerneqarnissaat kommunit akisussaaffigaat, taamaasiornikkut inissiaatigineqartut pitsaassusaat eqqortumik nutartikkanillu paasissutissaatigineqartassammata.”

Kontumut pingaarnermut, 72.02.03 Inissialiortiternernut allaffissornernut pilersaarusionermullu aningaasartuutit, oqaasertaliussat

Oqaasertaliussat tulliuuttut kontumut pingaarnermut ivertinneqarnissaat qinnutigineqarpoq:

“Nr. 1-imut.

Oqaasertaliussami nuna tamakkerlugu paasissutissaasivimmik aamma web-portalimik allanngorartinneqarsinnaasunik, siunissamut ungasissumut pisortat inissiaataanni attartortittakkani iluarsaassinermi aserfallatsaaliuinermilu suliaasat suliarineqarnissaannut pilersaarusionissamut sakkussatut atorneqarsinnaasunik pilersitsinissamut periarfissiisoqarpoq, taakkunungalu ingerlatsinerup aserfallatsaaliuinerullu oqimaaqatigiissinneqarnerannik pilersitsinissamut isumannaatsunik tunngavissinissaq ilaavoq. Tamatuma kingunerisaanik paasissutissanik katersisoqarsinnaavoq, paasissutissanik suliaqartoqarsinnaavoq, paasissutissaasivik ingerlaavartumik naleqqussarneqarsinnaavoq iluarsineqarsinnaallunilu aammalu nuna tamakkerlugu inissianik illunillu nalunaarsuinermit iluaqutaasinnaavoq.

Naalackersuisut piginnaatitsissuteqarneq aqutigalugu pisortanut illunik piginnittuusunut web-portalimut aaqiissutissat naapertuuttut aqutigalugit siunertamut tassunga paasissutissanik pilersuinissaat pillugu piumasaqaateqarsinnaalissapput. Paasissutissat illuni paasissutissanut tunngaviusunut (ilaatigut B-normu, inissiat attartortittakkat amerlassusii, nunaminertat, najugaqarfiit), illut qanoq issusiinut, illut sannaasa pingaarnert, ilaatigut qanoq issutsinut, amerlassutsinut, aserfallatsaaliuinermit ingerlatsinermit aningaasartuutitut, piffissami sananeqarfimmini teknikkikkut pitsaasumik suliarineqarnerinut tunngasut naliliiffigineqarnerinik ilaqartunut tunngapput. Taakku saniatigut inissianik isaterinissamut nutaanillu sanaartornissamut missingersuutitut immikkoortinneqartut piumasarineqarsinnaapput, taamaalilluni illoqarfinni nutarterinermi suliaasat pilersaarusionerneqarsinnaassammata.

Paasissutissat tunngaviusumik pisortat inissiaataannik attartortittakkanik, taakku Namminersorlutik Oqartussanit kommuninilluunniit pigineqaraluarpata, aqutsisuniit digitaliusumik pissarsiarineqartassapput. Paasissutissat assigiiaarnissaat, paasinartuunissaat aammalu ataatsimoortumik ingerlaavartumillu pisortat inissiaataasa attartortittakkat qanoq issusiinut, kiisalu iluarsaassinermi aserfallatsaaliuinermilu killiffiinut takussutissiuiffiusinnaanissaat siunertarineqarpoq.

Tassunga ilanngullugu paasissutissaasivik illut atortuisa qanoq issusiinik naliliinermit, piffissap sananeqarfissaasa pilersaarusionerinit aammalu illut, immikkoortortaqaqarfiit illoqarfiillu, kiisalu nuna tamakkerlugu taakkununga aningaasartuutissanik missiliuinermit paasissutissatigut tunngaviliissaaq.

Paasissutissaasivik aamma web-portalimut saniatigut pissarsiassatut illuliortiternermi sanaartornermilu pinnaasanik kivitsinissamut paasissutissanut tunngaviusunik pitsaanerusunik pilersitsinissamut

iluqutaassaaq. Tamanna suliassat siaruartinnerullugit suliarineqarnissaanut pilersaarutit piviusunnorsinnaasut suliarinerisigut pisinnaavoq. Taamaalilluni ilinniartitaanermi suliffeqarnermilu pilersaarutit attuumassutillit naleqqussakkallu suliniuteqarfiginerisigut, ilinniartunik najugaqavissunillu sulisoqarnissamut periarfissat annertusinissaannik siuarsaanikkut pisinnaavoq.

Oqaasertaliusaaq tamanna pillugu inatsisitigut tunngavissamik piujuarnerusussamik siunnersuuteqarnermik malitseqartinneqassaaq. Tassani paasissutissanut programmiliassamut tunngaviumut atatillugu inatsisilornissamut piareersaataasut nuna tamakkerlugu inissianik illunillu nalunaarsuiffiup annertusarneqarnerani sulianut ataqatigiissaarneqassapput.

Oqaasertaliussat AI2022-mit iluarsineqarlutik ingerlateqqitaapput.

Nr. 2-mut.

Oqaasertaliusaaq tunngavigalugu Naalackersuisut paasissutissaasivinnut aamma web-portalinut sakkussanik attuumassutilinnik, misissueqqissaarnernik nalunaarsuiffinnilu ineriartortitsinissamut isumaqatigiissuteqarnermi, Inissianut Attartortittakkanut Tamarmiusunut Pilersaarusiornissamut atatillugu sulinermi siunissamut ungasissumut pilersaarusiornissamut periarfissaqalissapput. Sulianut immikkut ilisimasalinnik, pingaartumik illuliat sanaartukkallu sanaartorneqarnerisa nalaanni qanoq issutsimik naliliisarnernik aammalu paasissutissanik suliaqartarnermik immikkut ilisimasaqartunik pissarsiniarnissaaq pisariaqartussaavoq.

Oqaasertaliussat AI2022-mit ingerlateqqitaapput.

Nr. 3-mut.

Oqaasertaliussami aningaasaliissutit, ukiup aningaasaliiffiusup ingerlanerani eqaatsumik pilersaarusiornissamik pisariaqartitsiviusunut pitsaannerusumik atorneqarnissaat periarfissinneqarpoq.

Oqaasertaliussat AI2022-mit ingerlateqqitaapput.

Nr. 4

Inissiat attartortittakkat pisortanit pigineqartut tamarmik pitsaassusiisa ingerlaavartumik nalunaarsorneqartarnissaat siunertaralugu oqaasertaliussat pilersinneqarput.

Kommunit inissiaataasa attartortittakkat pitsaassusaat Naalackersuisunit pissarsiarineqarsinnaapput, paasissutissat Tusagassiisarnermut Pilersaarusiornermullu (IPV) tunngatillugu paasissutissat nalunaarsorneqartarneri aqutigalugit. Pisortat inissiaataasa tamarmiusut pitsaassusaat pillugit paasissutissat nutartikkat allaaserineqarneri siunissami paasissutissaatigineqartalernissaat taamaasiornikkut qulakkeerneqassaaq. Pingaartumik Namminersorlutik Oqartussat inissiaataat attartortittakkat kommuninut tunniunneqartarneri eqqarsaatigalugit pilersaarusiortarnissani pingaarnersiullunilu tulleriarisarnissani illunut ataasiakkaanut, immikkoortunut, illoqarfikkaartumik nunalu tamakkerlugu paasissutissat toqqortaatigineqartut aqutigalugit paasissutissat pilertortumik pissarsiarineqarsinnaalissapput. Taamaasilluni Namminersorlutik

Oqartussat inissiaataasa attartortittakkat kommuninut tunniunneqarnissaat pillugit isumaqatigiinniartarnissani paasissutissat atorineqartalissapput.

Tunniussisinnaanerup siusinnerpaamik 1. januar 2024-mi pisinnaanissaa naatsorsuutigineqarpoq.

Oqaasertaliussat AI2022-mit iluarsineqarlutik ingerlateqqitaapput.”

Nr. 100

72.02.03 Inissialiortiternernut allaffissornernut pilersaarusionermullu aningaasartuutit

Kontu pingaarneq una AIS2023-mit peerneqarpoq. Oqaasertaliussat tassungalu atasumik nassuiaatit AIS2023-mit peerneqarneqarnerat tamatuma kinguneraa.

Nr. 101.

Kontomut pingaarnermut, 72.10.16 Inissiat attartortittakkat ingerlanneqarnerat, aningaasaliissutinit iluanaarutit

Oqaasertaliussaq kontomi pingaarnermi, 89.72.12 Inissialiassat taartissanillu inissialiortiterneq, ataqatigiittoqarneranik nassuiaaffiusoq:

"Nr. 10.

Naalakkersuisut kontomi pingaarnermi, 72.10.16 Inissiat attartortittakkat ingerlanneqarnerat, aningaasaliissutinit iluanaarutit, ilanngaaseereerluni iluanaarutaasut inissianik iluarsaanermut suliniutit aningaasaliissutitigut kontomi pingaarnermi, 89.72.12 Inissialiassat taartissanillu inissialiortiterneq, aningaasaliissutitigut killiliussat iluanni akilerneqartut matussusermissaannut piginnaatinneqarput. “

Kontomut pingaarnermut, 72.10.16 Inissiat attartortittakkat ingerlanneqarnerat, aningaasaliissutinit iluanaarutit, nassuiaatit

Kontomut pingaarnermut matumunnga oqaasertaliussanut nassuiaatit uku ilanngunniarneqarput:

"Nr. 10.

Oqaasertaliussatigut kontot pingaarnerit marluusut taakku akornanni ataqatigiittoqarnera ersersinneqarpoq, tassalu aningaasat Namminersorlutik Oqartussat inissiaataanni piginneqatigiiffiusuni iluanaarutaasunut naapertuuttut inissiat iluarsarnissaannut minnerpaamik atorineqassasut. Kontomi pingaarnermi, 89.72.12 Inissialiassat taartissanillu inissialiortiterneq, aningaasaliissutit qaffasissusaat ataatsimut suliaqarnermut aqutsisuupput.

Oqaasertaliussaq nutaajuvoq.”

Nr. 102.

Kontomut pingaarnermut, 72.26.04 Mittarfeqarfiit A/S

Oqaasertaliussaq Mittarfeqarfiit A/S-imik kiffartuussinissamik isumaqatigiissutit ukiuni arlalinni atuuttussat pillugit isumaqatigiissusiornissamut tunngavissamik qulakkeerinnippoq.

”Naalakkersuisut kontomi pingaarnermi matumani aningaasaliissutinut killiliussat iluanni Mittarfeqarfiit A/S pillugu Inatsisartut inatsisaat nr. XX naapertorlugu nunap immikkoortuini mittarfiit ingerlannissaat iluarsarneqarnissaallu pillugit Mittarfeqarfiit A/S-imik ukiuni arlalinni atuuttussanik isumaqatigiissusiorsinnaanissamik piginnaatinneqarput.

Isumaqatigiissutit konto pingaarneq manna aqqutigalugu isumaqatigiissutigineqartut ukiut qulit angullugit atuuttussat isumaqatigiissutigineqarsinnaapput, matumani ukiunut marlunnut sivitsuiffiginissaat periarfissaralugu marloriarluni sivitsuinissaq periarfissaqartillugu. Piffissaq isumaqatigiissuteqarfusoq tamarmiusoq taamaasilluni ukiunik 14-inik, sivitsuinerit ilanngullugit qaangiisinnaanngilaq.”

Kontomut pingaarnermut, 72.26.04 Mittarfeqarfiit A/S, nassuiaatit

Kontomut pingaarnermut matumunnga oqaasertaliussanut nassuiaatit makku ilanngunniarneqarput:

”Inatsisartut 2022-mi ukiakkut ataatsimiinnermi Mittarfeqarfiit A/S pillugit Inatsisartut inatsisaat nr. XX akuersissutigisimavaat.

Nunap immikkoortuini mittarfiit qulimiguulinnullu miffiusartut piffissamut ungasinnerusumut pilersarusiornissaat ineriartornissaallu qulakkearniarlugit Mittarfeqarfiit A/S-imik isumaqatigiissutit mittarfinnut miffiusartunullu ataasiakkaanut missingersuutit piffissamut sivisuumut atuuttussat tunngavigineqarput. Tassungalu atatillugu mittarfinnut miffiusartunullu immikkut iluarsaasarnissanut pilersaarutinik suliaqartoqassaaq.

Konto pingaarneq manna nutaajuvoq.”

Nunalerinermut, Imminut Pilersornermut, Nukissiutinut Avatangiisinullu Naalakkersuisoq - Suliassaqarfik 73-77

Nr. 103

Kontomut pingaarnermut, 73.04.02 Ineriartortitsinermut aningaasatigut tapersiissutit, nunalerineq

Oqaasertaliussatigut nunalerinermik inuussutissarsiutilinnut siunnersorteqartarneq pillugu isumaqatigiissutit ukiuni arlalinni atuuttussat qulakkeerneqarput.

”Naalakkersuisut Inatsisartut Aningaasaqarnermut Akileraartarnermullu Ataatsimiititaliamut ilisimatitsinikkut nunalerinermik inuussutissarsiortunut siunnersorteqartarnissamut kiffartuussinissamik isumaqatigiissutit ukiuni arlalinni atuuttussat imaluunniit Savaatillit Peqatigiit Suleqatigiissunik allaffeqarnerup ingerlannissaa pillugu kiffartuussinissamik isumaqatigiissutit ukiuni arlalinni atuuttussat pillugit piginnaatinneqarput. Isumaqatigiissuteqarnikkut aningaasaliissutit tamarmiusut sipporneqassanngillat aamma ukiut missingersuusiorfiugallartut sunnerneqassanngillat. “

Kontomut pingaarnermut, 73.04.02 Ineriartortitsinermut aningaasatigut tapersiissutit, nunalerineq, nassuiaatit

Kottomut pingaarnermut matumunnga oqaasertaliussanut nassuiaatit makku ilanngunniarneqarput:

”Oqaasertaliussatigut piffissamut ungasinnerusumut pilersaarusiorsinnaaneq, nunalerisut pitsaanerusumik siunnersortarnissaannut anguniagaqarneq aammalu nunalerinermik inuussutissarsiortut piffissamut ungasinnerusumut ineriartortitsiffiunissaasa qulakkeernissaat periarfissinneqarput.

Oqaasertaliussaq nutaajuvoq.”